

# 明清潭林輯傳

汪闓

鞠裳先生撰藏書記事，詩七卷，問羅前聞，韻推逸事，接揚潛德闡章之功，誠不朽矣。然猶有生不越筮巷，名不結繩入編藏書事跡，或僅見於邑志，散入史乘，又豈少哉？竊不揣陋陋，總輯明清兩代共得七百餘人，匯著是編，非敢補葉氏之不足，聊以規盛衰之概，古籍存亡，有足徵矣。民國二十一年雙十節汪闓自題。

明

宋 濂

宋濂字景濂，其先金華之潛溪人，至濂，乃遷浦江，幼英敏強記，就學於聞人夢吉，通五經，復往從吳萊，學已遊柳貫黃潛之門，兩人皆極遜，濂自謂弗如。元至正中，薦授翰林編修。以親老，辭不赴。入龍門山著書，踰十餘年。明初以書幣徵，除江南儒學提舉，命授太子經修，元史纂轉至翰林學士，承旨知制誥，以老致仕，長孫慎坐法，舉家謫茂州，道遇疾卒。正德中，追諡文憲。列傳嘗讀書青蘿山中，聚書萬卷。游生

曾 魯

曾魯字得之，七歲能暗誦九經及齒稍長，取三史日記之，尋及其餘數千年間國體治亂，人材忠佞，制度沿革，咸能言之；有叩之者，如山川出雲，層見疊敷，杳莫察其端倪，所藏文集，動至數百家，各攬其精，而綴其華，聞有僻書隱牒，不憚道里之遠，必購得之；既得，必篝燈讀之，達旦不寐，發為辭章，靡蔚炳朗，毅然有

不可奪之氣。宋神宗碑

### 徐達左

徐達左字良夫，受易於鄱陽邵宏道，受書於天台董仁仲，值時多故，隱居光福山中。洪武初鄉人施仁守建甯，請爲其學訓導，卒於學官。蘇州府志所藏高編大冊甚富，與元陽詩真蹟有徐達左印，松雲道人，徐良夫

藏書。百宋一園賦

### 虞堪

虞堪字克用，一字勝伯，宋丞相允文諸孫後，家長洲，隱居行義，家藏書甚富，多手自編輯，雅重先世手澤，聞有雍公遺文千里外，必購得之。姑蘇志

### 虞子賢

虞子賢世居支塘，家藏書史及古今法書名畫，甲於三吳，後又得朱子城南雜詠真蹟，構堂貯之，顏曰城南佳趣。蘇州府志

### 鄭澗

鄭澗字仲養，浦江人，明詩錄藏書八萬卷，家有藏書樓，建文君爲書壁窠大字作扁，古名賢書畫妙蹟，亦不下五六百種。柴桃軒藏秘

### 劉亮

劉亮吳郡人，元末嘗仕於僞吳，後知天命有歸，乃以數巨艦盡載所藏書萬餘卷，渡江抵如臯，主於冒致中家，且謀獻天府，未果；上而以疾卒，致中因結字貯之，永樂中遣使取入中秘。流如臯縣志

### 鍾廷芳

鍾廷芳興國人，紹安曾孫，祖斗光，爲贛儒學正，家藏書萬卷，恣客借讀，臨終屬其子，以寶藏遺書爲孝。廷芳恪守祖訓，嘗攝邑文學家藏書，未備者，捐貲以購，手輯先世遺文名一家，機軸採錄名人詩詠名治世雅音琴譜丹經奕數星術亦旁通而肆考焉，學者稱東巖先生。贛州府志

### 朱權

朱權太祖第十七子，明史博學好古，諸書無所不窺，志慕沖舉，自號臞仙令人。往廬山之顛，囊雲以歸，結小屋曰雲齋，障以簾幕，每日放雲一囊，四壁氤氳，如在巖洞，凡羣書有秘本，莫不刊布，明詩綜有甯獻

王書曰一卷。千頃堂書目

### 周陞

周陞字孟褒，慈溪人，爲人介特，隱居教授，不慕聲利，居於市廛，一室如舟，所儲書史外，無長物，因號書舫齋，爲古詩詞音調高古不類時人。寧波府志

### 楊士奇

楊士奇名寓以字行，泰和人，早孤隨母適羅氏，已而復宗官至禮部侍郎，兼華殿大學士卒諡文貞，明先

世藏書數萬卷，元季悉燬於兵，稍長事鈔錄，或往往從人借讀，弱冠出授徒，所入頗厚，始蓄書，及仕於朝，有常祿，又時有賜賚，節縮百費，日月積之，一爲收書之資，歷十餘年不廢，楊文序有東里草堂廬陵楊士奇二朱記。現天續編

周忱

周忱字恂如，廬陵人，永樂甲申進士，性好儲書，其藏室詩云：羣經既竝著，百氏無棄捐，所至每充棟，來往勞車船。明時續

錢紳

錢紳字孟書，其先自泰州徙吳，少讀書，修行後，領鄉薦授本府學訓導，陞郵縣教諭，平生無世情，與人無矜哇，家藏書甚富，多手自鈔錄。蘇州府志

陳濟

陳濟字伯載，與弟浚洽同遊謝應芳門，過目成誦，嘗以父命如錢塘，家人齎貨以從，比還以貲之半，市書口誦，手鈔十餘年，盡通經史百家之說，以布衣薦充永樂大典都總裁區分鈎，考秩然有法。武進縣志

冒基

冒基字永宗，致中孫也。弱不好弄，及見其祖受藏書，而願學焉，取經史子集臚列類分，朝夕諷誦，務求淹通，盛暑祁寒，丹鉛不去手，初致中構茅齋，藏其友人劉亮所欲獻書，永樂間忽詔命御史中璫及郡太守